


湖南府縣志輯

中國地方志集成

宣統永綏縣志



K296.4
10
55

中國地方志集成

湖南府縣志輯 ⑦③

宣統永綏廳志

江蘇古籍出版社●上海書店●巴蜀書社

永綏廳志序

巍矣哉其爲永綏廳矣六里土民梗化歷代

國朝有天下七八十年尚未改流雍正八年

世宗憲皇帝詔湖廣總督湖南巡撫委署豫陵鎮總兵周一德辰永沅靖道兼副將李柔帶兵

平六里而永順府古丈坪同知李坤與焉六里開闢設副將營吉多坪

賜名永綏協設六里同知一員以李坤任之治吉多坪未幾奉

旨改名永綏同知自是數十年無事民土向風乾隆六十年廳屬排打扣有顯苗之變嘉慶初

歲定二年乃設總鎮於花園轄永綏協並置參將於保靖隸之

賜名曰綏靖鎮蓋協而廳而鎮皆

天賜嘉名此當爲海內各廳之所獨七年移廳治於花園移協於茶洞其水爲荊州九江西水

之南源其山有臘耳苞茅老鳳猴子諸山縣巨六七百里之潤爲三苗氏唐虞來聚居

之所處湖南極西之邊塞接壤四川之秀山縣貴州之松桃廳土風誠樸士女材健魏

矣哉其爲永綏廳同知也所屬地方人民政事直隸行省監放鎮協軍餉管轄文武屯

土員弁二百三十餘員名屯土戰守兵丁四千五百名歲收屯田租籽二三萬石礪堡倉

永綏廳志

序 卷之一

厥百有餘座事權之宏富亦爲海內各廳之最蓋自天降生民則既莫不予以仁義禮智之性其大原所謂一陰一陽之謂道繼之者善也成之者性也仁者見之謂之仁知者見之謂之知仁之實義之實知之實禮之實不出於孝弟堯舜起諸侯庶人爲天子君天下開天明道至於今是昭惟孝弟而已矣不以益稷之所以治民治民賊其民者也

不以皋夔之所以事堯事君不敬其君者也推孝弟而已矣道固如是耳治固如是耳豈有他歧哉

聖朝

聖相承謨顯赫爲四千年帝王重熙累洽未有之盛堯舜以來至我

朝治集大成百里之更古之邦伯師長有格致誠正修身齊家之學而後可以言治不明斯

道無以治民即無以事

君永綏六里之民降衷有恒孝親敬長秉彝是則所以治之者舍道奚由前人之所以極力

經營者兵防吏治食貨農桑二百年來何一非道之所維持 生性愚闇穆然思四

千年之道流傳未墜際

累聖延休之盛世膺父母斯民之職守矢諸寤寐臨民綏政不敢以權術以功利爲智善施於

民惟道是歸宣統十五年一任澧州州判未竟年無所表見光緒三十二年六月二十

一日履古丈坪撫民同知署任宣統元年閏二月初三日得代將三年而未滿少有所

作爲其於風俗人心亦無大效所以治民事

君者其於道固仍茫然悟然是月初六日遂接永綏直隸同知印務與李公珣之由古丈坪

而永綏者遙遙相對將二百年矣蓋自光緒三十四年十月二十日奉檄量移至是四

月十五日矣而後受事平時之耳聞而形諸想像者至是乃親見兵防學校屯田區畫

之盛望洋而歎榮華前烈諸公才識之宏貽澤之遠

朝廷大臣謀之大寸土皆公里各設官鎮以營汛開以團防庠序鄉學之盛倉儲之廣此

三代井田比閭之制而今東西洋所謂法治區也驅車十日徧歷所轄清訟三月頗察

人情乃知 庸不勝任道所具有敬取舊志而讀之風雨鶴鳴耿耿如見昔之文武

威風大臣循良賢長忠孝節義諸士女山川之清峻衣食養送之完備燦然咸在然其

志自乾隆戊午至同治戊辰百餘年間經五次修纂而後成書六卷近四五十年来世

局日新言道日歧不可以不志在古丈坪廳曾爲作志無可因也故爲之創今永綏廳

永綏廳志

序 卷之一

志前諸君之以累世宿學修而輯之祇以續編較易倍從彼難而此易不可既任其難而諉其易不可以不志摛紳先生譽髦斯土見古丈坪廳志者或謂爲永綏續之難其請不可以不志前之志古丈坪廳也不派費不設局不聘人以廉俸濟其紙筆飯食之用以淺學任其編纂撰述之勤永綏雖稍易籌款於古然自官視之皆同也不敢厚古而薄今故仍不派費不設局不聘人以一身任其費任其勞永綏選舉附寄於永順府復選區下今年秀水金太守容鏡自靖州來守永順常以選舉事移牒往來問及論道之書若隱有以相敬故於此序及之至舊志之原本一字一行不敢易之其未詳者詳之應續者續之可參考以備一說者參考以備一說皆見於凡例之新增者夫道在中庸政惟其時學於古訓述而不作此著書之道蓋官臨民之道靖恭爾位以事堯事君之道子思之言曰夫婦之愚不可與知能爲飛魚躍言其上下察道固無乎不在則永綏廳志以其爲言道之書固無不可雖然兵農學校昔人經營永綏廳者皆道之實而留貽長今 續修此志徒托空言其於道益遠也是則 之滋媿也前爲古丈坪廳志呈諸學部批示以體例備而稍雜文詞詳而稍淺責之今永綏廳志體例惟依前不敢變

易已離望純而無雜文字則未矣況雜探諸家以期言近而指遠毋淺之乎其爲言也則著書之道愈難矣所可諒者居官言職形方誦訓非以爲名山著作之業其於道也亦格物致知之一而已五月二十五日署永綏直隸縣同知直隸開州湘節董鴻勳甫起手修志而先爲序間以公務於二十六日早完稿

此序既成稿僅修志一日因訟牘繁紛復患熱瘡仍停手直至八月十三日始復起手畧易數字而存之

重修永綏直隸縣志叙

古者列邦各有紀載成周命職方氏掌之方志之設實防於此自嬴秦變封建爲郡縣今之府廳州縣卽古之侯伯子男也凡境內之星躔節朔土田民物制度典章例應備誌以供輶軒之採非特記封圻飾觀覽而遂已也永綏縣志肇於前廳壽春梁君琛成於漢陽段君汝霖梁志未見段志刊於乾隆十六年維時草昧初開百爲未舉以故志中如關隘水利義塚郵傳學校選舉政畧屯防人物藝文等類概從缺如就中如所已載城隍公署則中更遷徙兵制職官則遞有增加今昔既有不同其餘各類亦多未備嘉慶二十二年丹徒袁君廷極因奉上游檄取重行修輯考文徵獻哀集成書尚未刊

永綏廳志

卷之一 序

三

行稿存廳署別無副本咸豐六年復爲蒲圻但君文恭遺失數卷現存者僅二卷所紀疆域山川水利津梁義塚公署戶口田賦學校祠廟凡十類仍多畧而不詳玉衡奉檄攝篆斯土索而觀之始知其故欲足成前業聞孝旌楊君聘侯夙有同心乃延司厥事楊君參考各史志以及前賢文集文武冊檔並諸訪故家遺老退并殘兵廳中案牘或有散佚不全則郵書取諸附近廳縣旁搜遠紹彙志擬神歷一歲有五月之久始克成書玉衡時已改署永順楊君以是舉自我權輿寓書索叙竊維此書非楊君不能竟其緒楊君非玉衡亦無以發其端也事有待其人而後行者其是類也夫爰次其顛末爲之叙同治元年歲次壬戌暮春加知府銜前署永綏廳事蕭山周玉衡謹撰

鴻勳按序則周君修志時有段君汝霖志袁君廷極志一種以爲楊孝廉之藥本廳志新叙

永綏苗地也亦邊疆也雍正九年始歸化當事者撫而輯之均其田土分六里爲上下十二里各置土弁以次相屬而約束之立營汛塘卡以嚴防範而間錯之又置屯貯穀設官長司征收出納焉愚其不明義理也建書院外設義館四十九處科歲考及鄉試按名送費縹緲度精詳無不具備民苗難處涵濡日久土變其習民安其業浸沒乎詩書

之氣漸盛土風丕變而所謂志者尙缺然昔雖奉檄修輯亦不過記其大凡畧而不詳稿存廳署他無副本兵燹後又散失僅餘二卷更覺殘缺前署事周公玉衡欲足成前業延孝廉楊君聘侯司其事參稽各史志博採旁搜分綱晰目至詳且悉規模甫竟周適解職去楊亦相繼捐館舍然志已大備矣下車俗淳政簡公餘案志俱以經費不敷尙未刊成相告且謂此志非周則莫覩其始非則莫成其功竊意郡邑有志猶國之有史也凡政治得失風俗純漓或因時通變或隨事制宜徵文考獻官斯土者例應備志以供輶軒之採非僅爲僻壤之記載此誠不可少而不可緩者也若未舉行

將率作興事況業有成書其可中止墮前人功乎夫莫爲之前雖美弗彰莫爲之後雖盛弗傳諸君其踴躍鳩工鏤梓縱費有支絀一二卽卽捐廉成事非敢謂周君其始余竟其緒冀垂休光昭後世也守土者固應奉行見

皇上文教誕敷無遠不屆雖邊疆苗地亦沐浴聖化庶幾於文物之邦有足觀者焉豈得以邊荒而少之也哉

正三品廕生選授安徽婺源縣知縣改捐揀發湖南署華容縣知縣補授江華縣知縣陞授永綏廳直隸同知王起銜撰并書

永綏廳志

卷之一 序

四

永綏廳舊志序

永綏地屬紅苗素號頑梗

聖世不忍棄之雍正九年

詔諭開闢遂納款輸誠收入版圖去其逸居無教之習卽乎詩書禮樂之隆苗民之懽欣愛戴得所歸也久矣獨是更化之始凡所爲建城郭以奠定之立官職以安輯之興學校以化導之創解署設兵衛以捍禦之與夫設津梁以迎往來置郵傳以達文告勸農桑以足衣食正風俗以厚人心者靡不上煩

慮慮之籌畫下勞循吏之措施幾經圖維調護而後蠻烟瘴雨之區得見此文物聲名之美也使非身處其地親歷其事者隨所見聞一一記載則不特山川勝蹟風土人情無由考據卽一時之規爲制度亦將歷久漸湮矣壽春梁君琛司牧其地籌度及之乃以其目之所親者筆之於書彙而成編以備志乘其考訂確切詳畧適宜初無藉於踵事增華而自覺釐然畢具秩然有章一展卷而無不瞭如指掌余既喜斯疆土興之實得賴

以不泯而又見

聖天子之宵旰勤勞凡窮荒僻壤盡在胞與之中雖詩書所稱無以加焉於是嘉其有關於

一統之宏圖非僅爲偏隅之記載也因綴數語以弁簡端乾隆戊午夏六月護湖南巡撫布政使張德馨序

鴻勳按張護院所序梁志亦其可觀惜段志所探之條原文未及別白言之使梁志面目全失

梁志段志袁志以成周志周志所言舊志當以段袁二志爲據刊志又在王君起銜其參輯者何條惜皆無所考

重修永綏廳志序

永綏原六里地也開闢二十有二載矣前司馬梁君璣創爲廳志刻未及半即去其職乾隆十二年汝霖游廳索志觀覽惟獲殘篇數十紙而已時即有重修之意而簿書鞅掌奔走勞瘁未遑及也辛未奉撫軍檄令郡縣纂修志乘汝霖於公餘之暇勉強從事或探之史冊或訪之故老或參以己之見聞務期信而有徵夫永綏雖紅苗地自歸版圖以來

聖朝建官置吏牧養生聚歷有年所其漸摩觀感不獨內地之遷斯土者遵道遵路即蓬首跣足戴髻負戈之屬亦革面而革心矣汝霖嘗遍歷境內所過山川如高岩臘爾降閣

永綏廳志

卷之一 序

五

花園勝境奇峯聳翠蜿蜒蟠結既具雄偉之巨觀復饒清秀之逸致汝霖五載於斯未敢概視以苗疆也今之續志惟據其實而直書之不必踵事增華以圖美觀而斯地之勝愈樸而愈文彌淡而彌永矣爰就輿圖之廣狹道里之遠近官秩之尊卑戶口之多寡民苗之居址城垣之丈尺風俗之美惡物產之種類一一而詳記焉前志之所有者存之前志之所無者補之前志之所失者續之而永綏廳志於是規模粗定矣夫志所以鑑也彰往察來微顯幽闇考政治之得失觀人心之純澆因時而權其變通隨事而加以補救異日者開學校以儲人才墾田賦以納正供通商賈以利行旅廣土田以充邊餉日新月勝道一風同行見治化之臻於上理是所望於後之官斯土者

時乾隆十六年孟秋月同知漢陽段汝霖撰

鴻勳按段序其清健所言似將梁志重修之梁志後本無單行本者然故周所未見

永綏廳志書跋

從來事莫難於創始功莫要於傳信因陋就簡固易遺誤而踵事增華亦妨失實況志之爲書所關尤鉅者哉我

朝幅員之廣過於前代即湖湘邊徼向所不能綏柔者亦無不洗心革面永爲藩籬當事者莫麗陳教立法盡善歸化百餘年而文風之盛推永綏爲最此志所宜亟修也前署事周公謀其始聘侯孝廉革其事參考彙輯現任主公圖其成雖無藉於增華實洗從前草創之陋提綱標目井井有條他日者

國家有所修纂徵文考獻撫遺篇而探故實吾知其信而有徵者皆前之人創始之功之善也時戊辰孟夏下浣辛酉科選拔儘先教諭永綏廳順導禮湖麗爾氏潘邦巖題又按此則王君起銜亦曾有參考彙輯之事是此志一梁君璣二段君汝霖三袁君廷極四周君玉衡及楊孝廉五王君起銜蓋時閱二百年官經五七任而後成書秩然有序蓋方志之不易言也

周君玉衡下尚有耿君維中一任當亦與此志有關係不見其文又梁君璣志未見而尙存其序袁君廷極志尙有兩卷何以不見其叙又觀周君玉衡叙文似段志雖

永綏廳志

卷之一 跋

一

以百爲未備故不能如後志之盛而觀其言其書實未殘缺何以不言卷數皆屬難解

永綏舊志跋

粵稽永綏一隅係古崇山衛地鎮溪所十里土民也前明設總戎駐劄衛城以鎮之後因水陸險阻艱於餉運撤去鎮守遂爲紅苗竊踞與內地間隔聲教不通日居月諸相習成風語言食味染於蠻俗等諸荒服然鼓舞作興自有轉樸還醅之漸竟以化外置之良可惜也雍正八年奉

旨開闢六里揆文奮武煥然一新以蠻烟瘴雨之鄉一旦遊於化日光天之下通魚鹽之貨享樂利之庥以生以育沐浴薰陶有不革故鼎新者哉至於建立官吏修築城垣起造公廨設塘汛以及一切善後事宜已蒙各當事碩畫精詳無一不備世榮微員末秩僅效奔走時恐奉行不力以蹈阻越之愆惟有益竭駑駘勉供驅策耳今幸志書創始敬附芻言於末乾隆三年仲夏巡檢順天葉世榮跋

鴻勳按跋應列於卷後同治戊辰所刊乃列於卷首又叙跋相淆殊於體例不合勳不欲改易前志面目以從蓋闕之義仍其例惟併潘跋於張叙後以使叙跋無淆耳八月十三日復起手記

又按乾隆梁志既有序又有跋而周序乃謂未見實所未解袁志無序豈所餘非首

永綏廳志

卷之一 跋

二

卷耶梁志序跋皆具載於段志耶則段既重修梁無單行本可見矣

重修永綏直隸廳志姓氏舊志原文

閱定

分巡 辰永沅靖兵備道楊翰

主修 加同知府街前署永綏直隸廳同知周玉衡

加同知府街前署永綏直隸廳同知耿維中

永綏直隸廳同知王起銜

纂稿 舉 探訪 人 楊瑞珍

刑部員外郎前內閣中書張世準

直隸新河縣知縣石光榮

江西北建昌縣知縣宋世煦

湖北東湖縣知縣石介

永綏廳志

卷之一 舊志姓氏

一

長沙府學教授石宏仁

湘陰縣學教諭李鴻敏

麻陽縣學教諭王振玉

揀選直隸州知縣李樹敏

候選直隸州知縣胡丕續

卽選直隸州知縣彭秀英

候選直隸州知縣鄭一綬

議叙直隸州知縣全大受

前署永綏協左營守備楊紹興

花園坪屯屯千外委孫紹興

吉洞坪屯屯千外委張光德

總校 人 張開霽

分校

鄧縣學訓導

鄧明聲

署貢生李泰

貢生彭順達

廩生楊瑞塔

附生羅嘉勳

附生范松齡

督刊

加運使銜湖北卽補道前署安陸府知府張開濟

校刊

廩生匡國梓

增生向禹謨

附生錢若壁

附生田士俊

永綏廳志

卷之一 職官姓氏

二

署綏靖鎮中營存城左哨頭司把總吳發仲

前署綏靖鎮右營左哨頭司把總王永祿

廳檢査卷册

廳書張克讓

廳書胡倫壽

營書朱良忠

營書楊宗全

營書邱邦彥

屯書張定榮

文繕寫

文童吳廷愷

文童李映蓮

文童熊濟衆

文童楊清琮

繪圖

文總局

封

卽

湖

選

北

試

用

知

從

童朱正煊

職王家甯

縣顏德明

九陳元善

永綏廳志

卷之一 職官姓氏

三

永綏直隸廳志卷之一 凡例共十三條皆原文

一此志以天文地理營建食貨武備秩官人物藝文爲八綱爲目四十每綱下各列條目以類相從如天文門則繫以星野氣候災祥地理門則繫以建置輿圖疆域山川形勝關隘水利津梁鋪司義塚古蹟風俗苗蚰等類餘俱以斯爲準

一廳地距今武陵縣治六百餘里志中所載星野乃引及漢晉書天文志武陵郡分野者原漢書地理志載武陵郡領縣十三中有無陽遷陵晉書地理志載武陵郡領縣十中有遷陵舞陽即今廳地蓋前漢武陵郡治在義陵即今淑浦縣統轄甚遠今之辰永沅三府風水乾三廳及酉陽一帶皆其屬縣地也

一苗俗父子兄弟無族族而居者往往舊時一寨數年後輒分爲數寨沿本名而別之曰老曰新曰上曰下者兼以蠻音舊舌所呼寨名有音無字依稀髣髴彼此混淆此編疆域志所載僅四百餘寨現或不止於此要之有增寨無增地此後即更有增加究非於茲四百餘寨之外另闢土地耳

一苗蚰志所載從前惡俗迄今改土歸流沐浴

王化百有餘年業已改革殆盡而篇中不憚詳悉具載者所以昭久道化成之效且以見撫

永綏廳志

卷之一 舊志凡例

綏防範之難也

一廳學開自乾隆二十六年同知張天實如親之歲科各進八名迨乾隆五十年學政錢澧因清查冒籍案內奏改二名爲苗學撥二名歸衡清二縣皆屬屬政教之大者年近代遠加以兵燹遷移原案零落無從備載故學校志中僅提其大略

一學校公典及各壇廟典禮載在會典率土同遵似可無庸摭入志內凡屬公典未暇臚陳用省楮墨

一屯防自嘉慶中葉去今未遠而現行事例已有與奏案不符者志內俱照原案開載以昭定制

一勦撫志自明洪武乾隆甲寅以前參考各史志及名人著述至乾隆乙卯之役此時尚有身在行間見聞親切者然道塗傳說懼涉無稽惟據當日見諸奏報者始行編纂以彰信史

方志同於國史凡屬職官例應書名志內自一品以下一概稱名以待史例

一廳志自乾隆十六年同知段汝霖修輯後迄今百有十歲中罹兵燹文獻幾於無徵職官志副將都司年表自乾隆二十六年以後嘉慶元年以前中間案牘散佚難以稽查

故從闕如

一政略之名起於劉向郊樞因之作通志略志中政略卽他志之名宜也賈有司與利除弊雖有政績者自應列入名宦俎豆一廳然現在未經請奏入祀故先撮其政績之大略於編以誌有斐弗諱之意云

一志內所載忠烈上自官紳以及兵民屯勇土苗實屬敵愾者除冊檔可查外訪聞真確謹爲纂入意在教忠故不敢以其細微而忽之

一列女中有未經旌表者皆據閭閻紳耆採訪的實衆論僉同然後載入以昭慎重故所收較少間有年例未符亦爲附載者原彼苦節貞操未敢聽其磨滅且用以勸將來也其或窮鄉僻壤耳目未周尙冀有心世道之士採訪錄送續行補載有厚望焉

永綏廳志

卷之一 舊志凡例

修志時當世文式台僚

知府直隸州知府都察院御史巡撫湖廣等處地方兼轄兩廣巡撫使司孫陳參建

爵里 湖南內成鎮林

知府直隸州知府都察院御史巡撫湖廣等處地方兼轄兩廣巡撫使司孫陳參建

爵里 湖南內成鎮林

知府直隸州知府都察院御史巡撫湖廣等處地方兼轄兩廣巡撫使司孫陳參建

爵里 湖南內成鎮林

知府直隸州知府都察院御史巡撫湖廣等處地方兼轄兩廣巡撫使司孫陳參建

爵里 湖南內成鎮林

修志時當世文武台僚

爵里 湖南內成鎮林

知府直隸州知府都察院御史巡撫湖廣等處地方兼轄兩廣巡撫使司孫陳參建

水綬廳志

卷之一

爵里 湖南內成鎮林

知府直隸州知府都察院御史巡撫湖廣等處地方兼轄兩廣巡撫使司孫陳參建

爵里 湖南內成鎮林

知府直隸州知府都察院御史巡撫湖廣等處地方兼轄兩廣巡撫使司孫陳參建

爵里 湖南內成鎮林

知府直隸州知府都察院御史巡撫湖廣等處地方兼轄兩廣巡撫使司孫陳參建

撰修

知府街 賜花翎署水綬直隸軍民同知

奏補長沙株州撫民同知董鴻勳

履歷 直隸州大名府知府以議廣安詳才亦明達主副考館省二十一年就緒分發湖南直隸州

知府直隸州知府都察院御史巡撫湖廣等處地方兼轄兩廣巡撫使司孫陳參建

爵里 湖南內成鎮林

知府直隸州知府都察院御史巡撫湖廣等處地方兼轄兩廣巡撫使司孫陳參建

爵里 湖南內成鎮林

知府直隸州知府都察院御史巡撫湖廣等處地方兼轄兩廣巡撫使司孫陳參建

水綬廳志

卷之一

知府直隸州知府都察院御史巡撫湖廣等處地方兼轄兩廣巡撫使司孫陳參建

爵里 湖南內成鎮林

知府直隸州知府都察院御史巡撫湖廣等處地方兼轄兩廣巡撫使司孫陳參建

爵里 湖南內成鎮林

知府直隸州知府都察院御史巡撫湖廣等處地方兼轄兩廣巡撫使司孫陳參建

爵里 湖南內成鎮林

紀事

爲出示觀風並資修志事照得武陵故地崇山舊城六里隸於鎮溪三廳繫於章道湖當雍正建協

天錫榮名伊自嘉慶改元治移要領甲乙丙科

文化旁流營屯苗團武功赫濯勞

聖祖

神宗歷代宵旰憂勤經文武威風大臣累朝籌畫始得百年樂業比族安居恭維我德宗景皇帝仰承

家法參合中西有窮變通久之道爲立憲豫備之規復古者比閭庠序之教申孝悌先王之道學堂官立警察兵謀惟此郡城首承

法治美哉永綏洞庭湖西僅見此廳也本府猥以庸材濫膺守土讀書求志立願在登樓便人之間獻策因時流覽及中西行政之源入境舉維山川明秀停車受謁人物衣冠平生夢想華胥此日真遊鄒魯顧因民爲治不移地而求功敦獎補偏在還純而反樸本府契懷三代乃心

永綏廳志

卷之一 紀事

本朝將以一廳之間試爲完全憲法之地所賴衆賢之舉俾得從政著書之方深惟風土方志見於周官應州成書進編

國史茲者下車伊始須問俗觀風與其儷白微黃何如型方訓俗爲此示仰閱風舉貢生監學生人等一體知悉凡本廳與圖建置民族物產人物災祥藝文都爲問題各著成篇限二十日內自備卷紙繕呈本府親加評閱分等榜示優者捐廉給獎以示鼓勵其親切者用備修志採擇一俟政務稍暇即由本府主稿重修廳志不設局不派費惟將來刊板之資由公款另籌振百世之人文績一方之地志示我周行企懷宏著不勝盼望毋違特示

爲徵文考獻藉資修志事照得本府重修廳志業經出題觀風曉諭在案惟是二酉藏書後天地而出五溪蕪秀自唐虞以來將於此志仿方藝之論一方列九等之表必勤搜討乃有憑資爲此合行出示府屬紳耆士女人等一體知悉如有石室遺篇金閤舊著文章流別爲行風徵功在生民德垂後裔抑或詩禮興家永雷勵節均可呈其著述公舉美行以備採修而資興起惟期從速免有漏遺毋違特示

爲諭事竊照本府據紳民之請重修廳志所有

貴協及本任所轄歷任各官銜名履歷在任年月衙署營汛城池碉堡規制餉章新舊一功辦法應請

貴協飭承分別繪圖列冊詳明備文於一月之內移送過府以資編纂仍求貴領主稿纂修監察教誨俾速成書即爲

貴領成全此邦之大德再者此次修志由敝府署辦理一概不籌捐不設局不派人合併聲明爲此合行示仰各紳民一體知悉

貴協飭承分別繪圖列冊詳明備文於一月之內移送過府以資編纂仍求貴領主稿纂修監察教誨俾速成書即爲

貴領成全此邦之大德再者此次修志由敝府署辦理一概不籌捐不設局不派人合併聲明爲此合行示仰各紳民一體知悉

札經歷知事各軍屯千把外額等大致相同

永綏廳志

卷之一

爲諭飭事照得本府據紳士之請重修廳志所有該管衙署防備堡屯丁名額及本任歷任履歷年月分別繪圖造冊限二十日內造報申實事關要公毋得片延再此修志由本署經理不派費不抽捐如有藉端苛派定即查辦仰併知照切切此札

爲諭飭事照得本府據紳士之請重修廳志所有該管衙署防備堡屯丁名額及本任歷任履歷年月分別繪圖造冊限二十日內造報申實事關要公毋得片延再此修志由本署經理不派費不抽捐如有藉端苛派定即查辦仰併知照切切此札

諭十二里土備

爲諭飭事照得本府據紳士之請重修廳志所有該管衙署防備堡屯丁名額及本任歷任履歷年月分別繪圖造冊限二十日內造報申實事關要公毋得片延再此修志由本署經理不派費不抽捐如有藉端苛派定即查辦仰併知照切切此札

諭民苗團紳共五十三團

爲札飭事照得本府據紳士之請重修廳志所有府屬學堂師生名額課程規則辦法

應行分別繪圖貼說造冊具報於二十日內申資以憑酌量編纂再此次修志由本署經理不派費不抽捐如有藉端苛派定即究辦仰併知照切切此諭

札縣視學

爲諭飭事照得本府據士紳之請重修廳志所有該里名稱疆界四至山川勝蹟戶口地方出產民戶科名官階田產樹木言語禮俗忠孝節義以及菴院廟宇分別繪圖造冊限二十日內具報以憑酌量編纂再此次修志由本府自行經理概不派費抽捐如有藉端苛派一經查出定即究辦仰併知照切切此諭 諭十二里紳耆 每里一分爲諭飭事照得本府據士紳之請重修廳志所有該局辦理一切新舊章程以及每年出入收支數目坐落地名暨姓名年貌人數創辦年月分別繪圖造冊限二十日內具報以憑酌量編纂再此次修志由本府自行經理概不派費抽捐如有藉端苛派一經查出定即究辦不貸仰併知照切切此諭 諭十二里各局 每局一分爲諭飭事照得本府據士紳之請重修廳志所有該房坐落丈尺何年何任修理以及該書職役姓名年貌人數限二十日內詳細分別繪圖貼說造冊具報事關要公毋得違延再此次修志由本府自行經理概不派費派捐如有藉端苛派一經查出定即究

永樂廳志

卷之一

三

辦不貸仰併知照切切此諭

諭本署各房

爲諭飭事照得本府重修廳志所有該隊長等各里分寨落情形應即開摺呈報以憑採取毋違此諭 諭十二里隊長

爲移請事竊照敕府據紳氏之請重修廳志所有

貴局所轄分局處所以及歷年收歛數目委任年月暨規制餉章新舊一切辦法應請貴局飭承分別詳細繪圖貼說列冊備文於一月內移送過府以資編纂再此次修志由敕府自行辦理概不派費抽捐合併聲明爲此合移

貴局請煩查照施行實爲公便須至移者

移吉峒坪土稅局

移里耶鹽釐局

永綏廳志

採用案牘姓氏

文武各署申咨移送各牘

土稅局鹽局移送各牘

屯土團練各冊報

歷年各房案卷

警察經費財政鹽豆木料油鹽猪肉捐碾捐等各局所呈送各冊

劉民安

謝鎮源

劉錦麒

惟三人採用頗多其餘採用一枝一節者不能備記其次多見於各篇

永綏廳志

卷之一

永綏廳志凡例

一命名 舊志原名永綏直隸廳志查廳原辰州府同知分駐設於雍正九年嘉慶七年升廳爲直隸廳部議改歸關防以郴州直隸州印信不著直隸字故廳同知關防但去辰州府字亦不著直隸字現在

憲政編查館改定官制一曰直隸廳又曰舊時各府同知通判有自治之地而非直隸者皆改爲州縣是將來凡廳之存在者皆直隸廳亦不必以直隸二字別之今故更名永綏廳志以符

部頒印文於

憲政編查館所定新官制亦無出入惟於卷之首頁背面仍書永綏直隸廳志以存舊志面目

一宗旨 凡書必有宗旨所在道體物而不遺六德六行六藝古人謂之三物家國天下身心意知皆是物即是道也今學說方歧政治日新非明道不足以定一向而遏橫流燦然之永綏廳八政自食貨兵師以下何一非道之所昭著統緒垂自堯舜憲章自在皇朝道必如是而正政治必於是而善故特動之爲永綏廳志也凡目之所遇手之所書心

永綏廳志

卷之一 凡例

之所注無一非道之是在其言非必能合道也而其事則明道也有一言之悖乎道則不爲永綏廳志之全廳之故而以爲吾心於道有未合也宗旨如是不必言言述之讀者以言道視之而教誨焉則幸甚

一立綱 原志以天文 地理 營建 食貨 武備 秩官 人物 藝文 分爲八綱複雜參錯之處頗少家法然文無定則即此亦可包括一切故仍之不敢改以示述古之意

一分目 原志天文門分爲星野等三目地理門分爲建置等十三目營建門分爲城堡等四目食貨門分爲戶口等三目武備門分爲兵制等三目秩官門分爲官制等三目人物門分爲選舉等十目藝文門於奏疏分類而附以子目合原文四十已屬不合又有叢談一卷仍合於藝文凡各目或畧或多或應附或不應附未敢擅改前人時時附見其意

一行文 孔子曰言之無文行而不遠又曰辭達而以矣無文則不達達則即爲文古今修辭之法備矣文言曰修辭立其誠所以居業也修辭立其誠此則道言也以此爲業居則聖人之辭可知己今不敢爲縱言高論既不摹倣古人亦不摹倣時人以自喜

以自欺欺人惟自行其言語之發見耳若古今意之可行則古今道理祇是如此有小差而無大異但閱歷久體味深則言之較切較易明耳有一不合於此則非言道之志矣讀者幸分別觀之

一闕疑 孔子曰吾猶及史之闕文也又曰君子於其所不知蓋闕如也又曰多聞闕疑慎言其餘其矣闕疑之爲要也後人著書喜爲臆造新奇可喜之文或率臆改竄實非古道孔子得百二十國之寶書以修春秋則今各地方之志也其爲文謹嚴而孔子未嘗易一辭永綏百里之間設官分職文武屯土官弁至二三百人與古封建之大國何以異其爲志也重矣今凡舊志之存者皆列於前不易一字新續者列於其後其疑不可解者闕之不强爲解夫古今之文至矣而道之所在則闕繁尤重故慎之

一助修 此志曾於壽春梁君燦成於漢陽段君汝霖周序言梁志未見段志刊未竣丹徒袁君廷極重修蕭山周君玉衡聘楊孝廉瑞珍又修之一年零五月而後畢事六卷蓋自乾隆戊午至是百有六十年而後成書燦然可觀又歷至二任玉屏王君起銜乃卒刊成尙有參考彙輯之勞蓋成書若是之難也此次不設局不聘人鴻勳一人之力然何一非由衆人之力所集而成今將修志之稿文牘詳載有力與於此事者皆詳

永綏廳志

卷之一 凡例

二

載其名庶閱者一目了然知鴻勳之藉助深也其抄寫之役並及之

一經費 不籌費而修志鴻勳於古丈坪廳實創爲之今仍不籌費其書成刊刷之費則不能不任之地方天理人情之至卽道也理財正辭禁民爲非曰義居官行政不過如是若夫文義之淺率於道之深淺則未有所知也

又按周志稱前志曰舊志今鴻勳以庸下步前人之後未敢與前人相比謹稱原文以示步趨之意

全志三十卷文字總凡例

一事必徵實 自唐虞以來文字屢變論者以爲文字之降卽屈世運之降如文思文武文德文明文開文酌追琢雲漢之喻經緯經綸之稱觀乎天文觀乎人文觀鳥獸之文文不在茲文莫由人文質之敝郁乎文三代以上言文者至矣自春秋既作後世言文者必於是乎準夫載籍極博而自秦漢以來諸子百家雖各極其言論之指其間偶有老聃莊周墨翟列禦寇子華子諸人著書立說非或殊於聖人而其以聖人爲依歸者都十之八九然流傳其廣後世以爲繼尼山而作者必以太史公司馬遷之史記爲首其書上下萬年牢籠百氏可謂極春秋後之盛事班固范蔚宗陳壽魏收歐陽修司馬光朱熹諸作以至明史之成皆嗣春秋而作其間二十四史之純疵與其裨官野史私家著述如今鑾雜識逸史野史漢魏唐元明叢書近世如顧炎武黃宗羲王夫之湯斌陸隴其方苞諸所論史之著作皆所以嗣春秋之道響而自列於述者謂明之列故自開天闢地而後文字既作至尼山而集其總匯自秦漢以前百家文字至史記而集其總匯以嗣春秋至史記以後至於今皆此一線相傳故中原文字雖更僕難終而卽此一言可括其他各體文字雖與春秋史記有殊體例然皆原本詩書附庸大國源

永綬廳志

卷之一 文字總凡例

同而流異如古詩源樂府題解雖後世之書而追溯古先極探源始如文章流別三輔決錄文心雕龍昭明文選藝文類聚文苑英華太平御覽永樂大典以及一切賦海文淵總總四庫之編圖書集成之作無論爲道成而上藝成而下其皆春秋以後詩書之貽支流餘裔之篇殊率同歸百慮一致乃自太史公司馬遷所作卽不免難探清失之弊後世史家卽如司馬光通鑑朱熹綱目尙不免後人之指駁甚矣文字之難言也鴻勳故不敢言文字而以事必徵實毋自欺欺人以欺後世以用盡文字弁陋之咎一言必已出 鴻勳爲古丈坪廳志呈諸衡永郴桂分巡道憲貴州譚觀察啓瑞觀察序之曰周公著周禮以身爲周故著周禮非後世身非政治而言爲政治者引以爲喻雖卽大喻小亦後世文字之一體然鴻勳何足言文字以至大喻此至小傍徨踟躕讀之駭汗然細思之古之文字皆出於古之世官伏羲神農黃帝堯舜以聖人而位天子君天下立天下之大道其臣子皆聖賢之流亞故皆得道之真際而大小各以其體用而殊等差故班固九流論業已包括洪荒以來一切之文字而皆以爲出於古之世官蓋古人學問之道與生知之性雖所賦於天所致以人之不同而有誠無僞則同堯舜無於變風動之休親致於身必不空言平治后稷皋契無明農弼教敬敷之績親著於身

必不空言農桑刑政此九家者流皆必出於世官之由而堯舜身致時雍所以爲大人之學之宗斯道之傳之祖故古者官之不能自言其職者亦未之有也鴻勳雖愚下於文字無可言而固一隅守土官父母斯民之任一一方之政事所集若不能自言其職之所司所當盡亦豈古君子之居官之道況三傳收令自祖父以清吏受

國恩亦古所謂世官之比而讀書趨庭不能言其先世仕官以仿佛先人治民之事又能無愧乎故三十卷之書其詞必已出除原文不敢改易外其餘雖有採擇或因文字以爲文字因體例以爲體例而必斟酌於心而後卽安其餘非採於人者一字皆出己心非第無攘今人之善亦無舉做古人之爲惟典型所在範圍不越雖不以舉做攘善爲詞而亦不敢以凌肆矯異自殊故各卷文字無奇特之觀而亦無勸說之習平生行履如此故見於文字間者亦如此而已讀者其以爲信否

一書有關繫 古人著書原非自作唐虞三代之盛史官記之周公之作周禮立周制度相天子位冢宰之職也孔子之作春秋因周之制魯史之書筆而存之無容心焉其論語則門弟子之所爲記也其他則刪定之爲也其他軼聞逸事後人之所難記也故周公孔子且不著書堯舜之世堯舜之民爲之歌頌堯舜有天下而不與焉亦何著書爲

永綬廳志

卷之一 文字總凡例

故古人之書皆有關係以其有爲而後作故有關係卿雲復旦鸛鳴騶虞禹皋益稷之謨仲虺伊尹之誥傳說之命召爽之陳幽風之作皆於當時天命人心大有關係而文字乃與天地並垂鴻勳之志永綬廳邊郡彈丸無關天命人心之故然掘井而泉在一隙而駒馳謂水不在是日不在是其必不然此志三十卷雖一方之志其於天命人心必有關係之處非敢漫然而爲之三十卷中如學校如兵事如屯防如官弁如六里之民情風俗所經費局所之考核皆有絕大關係絕大議論偏隅之間而見天下之全局一日之間而見百年之事端中原之大體而極五洲之渺觀其餘斯道之所係於天命於吾心尤三致意焉夫世變方深道之將墜與其在今日道之將行與其在今日鴻勳既爲此書必非浮慕之言虛車之飾讀其書想見其爲人平生懷想古人而於此書畧述中心以共白於天下世有挽回世局之責共濟斯人之志者於其書中有關係之處而加尋繹焉乃知古人可作必不以斯志爲謬也惟爲日有限身爲校刊其間字句之錯訛未能盡正是所歉耳

一辭有體要 世無不變而脩辭之法亦因之而變故近世文辭淆雜日甚自宋謂世變所趨辭亦不得不然豈知古言辭尙體要體要之辭固非世變所能移自唐虞至孔子

數千年而體要之辭不能因虞夏商周時代之界限而異又古之君子修辭立其誠所以居業也大人之德先天而天弗違後天而奉天時乃其居業在脩辭立其誠辭之爲居業所謂修身踐言行修言道辭不盡言言不盡意修辭之道必不逐流俗以爲詭辭違心理以爲誕辭詭辭邪辭通辭困辭皆非所以立誠故今世之意之可取者未嘗不言之娓娓而其辭之歧異者未嘗一入於其書世有君子居大人之心爲大人之學以輔相

聖朝文明之治正辭禁非一止邪惡而興民行固四海二十一直省之幸而奚小吏之庸辭方隅之地志所足裨生民之幸之萬一也自來文字之體古今異說鴻動之爲此志讀者未必許其文字鴻動言之不厭其詳所以覽文字之流以爲斯志之凡例以爲斯志文字之凡例若不專爲斯志而發者至全書體例悉照原文以不沒昔人之苦心以不易昔人之真而其偶添一二子目若六里語言若局所或原文所已言而加詳或原文所未及其時而增入蓋以斯志之文字而論必以楊瑞珍之此書惟尙有典型前政周玉衡王起衡之爲政與民休息安撫亦如此見袁廷極之成書四卷以應湖南通志之徵限汝霖之爲志四卷尙餘二卷以存貽斯志之文獻梁燦之首創志稿以開斯志之

永綬廳志

卷之一 文字總凡例

三

文字之專有週溯一二百年來五六君子之政治精神才力皆如見卽當時採訪校刊數十百人之精神如見動是以爲永人保存之使此書之本來讀者當原文以上分之卽知周王之舊惟賁毀梁三志之舊原文雖偶有舊志二字之注不應減少至彼且梁志雖稱不見畧志則釋尙有二卷賁志則爲時甚近且以入湖南通志之館則其書必完全其體例雖畧見於周序究其本來面目爲何如不可識矣是則修志之憾也後有續者取動之書而觀之可以無此憾也夫

永綬直隸廳志目錄

皆原文

卷之一 第一至第二十六日 附子目三

天文門 凡日三

星野 氣候 災祥

地理門 凡日十有三 凡附子目領域一 補遺一 苗嗣

建置 輿圖 疆域 附各里民苗村寨 山川 形勝 關隘 水利 津梁

舖遞 附步站 義塚 古蹟 風俗

苗嗣 附苗官苗兵

卷之二 第一至第三十 附子目十四

營建門 凡日四 附子目城隍一 學校三 公署十

城堡 附棚樓 學校 附書院義學講約所 壇廟 公署

附兵房官廳食廩屯倉義倉軍局 附兵房聖堂義濟院城房

食貨門 戶口 田賦 物產

永綬廳志

卷之一 目錄

四

武備門

兵制 屯防 勦撫

卷之三 第一至第二十三 附子目四

秋官門 凡日三

官制 職官 政畧

人物門 凡日十 附子目四

選舉 附貢士援例軍功行五 封贈 難蔭 忠烈 孝友 篤行 義行 文苑

方技 列女

卷之四 第一至第一 附子目五

藝文門 日一 奏疏經訓類 附子目五

奏疏 經訓類 考書 銘記 論

卷之五 第一至第一 奏疏屯防類之一

奏疏 屯防類 卷之六 第一至第一 奏疏屯防類之二 附子目四

奏疏電附 稟 詳 札 議 叢談

賦 詩 叢談以下自爲一卷見於小序而未分別

鴻勳按舊志凡例稱爲綱八爲目四十今綜計之則藝文祇奏疏一目合上天文門等七綱內之三十九目始合其數故其書中以考書稟詳等皆作附記又叢談小序自言另輯一卷而仍列於六卷奏疏屯防不另編卷其中綱目錯淆可議者尙多端則其於目錄之學似少講求然此書前數次所修體例雖大致見於各序中而其面目究竟何似既不可見卽楊孝廉所得根據之段袁二志其原書面目今亦不可復見鴻勳不欲再易孝廉原書之面目以溼其撰述之苦心又此書刊於孝廉既捐館舍之後未及親校容有不及檢改之處故目錄一概仍舊以存其真各目中附條皆原文其旁記各小字及叢談云云皆今所注

永綏廳志

卷之一 目錄

五

永綏廳志總目錄

卷首

序

凡例

紀事

今凡例

今目錄

卷之一

目錄

天文門一

二 三

凡例六

目錄

星野

氣候

災祥

卷之二

永綏廳志

卷之一 目錄

六

地理門一

凡例六

目錄

建置

卷之三

地理門二

凡例四

目錄

輿圖

卷之四

地理門三

四

凡例八

目錄

疆域

山川

卷之五

地理門五

六

凡例六

目錄

形勝

關隘

卷之六

地理門	七	八	九	十	十一	十二
十三	凡例十四	目錄				
水利						
津梁						
舖遞						
義塚						
古蹟						
風俗						
苗圃						
卷之七						
地理門十三	今增目	凡例	目錄			
六里語音						
卷之八						
營建門一	凡例四	目錄				
永綬廳志	卷之一	錄目		七		
城隍附碣樓						
卷之九						
營建門二之一	凡例五	目錄				
學校附書院義學講約所						
卷之十						
營建門二之二	凡例四	目錄				
學校中						
卷之十一						
營建門二之三	凡例十	目錄				
學校下						
卷之十二						
營建門三	四之	凡例四	目錄			
壇廟						
公署附兵房	官廳	倉廩	屯倉	義倉		

軍局	卡房	育嬰堂	養濟院	塘房
卷之十三	營建門四之二	凡例四	目錄	
公署下	屯倉	義倉		
卷之十四				
營建門四之三	今增目	凡例八	目錄	
公署下局所				
卷之十五				
食貨門一	二	三	凡例八	目錄
戶口				
田賦				
物產				
附商業	增附口			
卷之十六				
永綬廳志	卷之一	目錄		八
武備門一之一	凡例六	目錄		
兵制上				
卷之十七				
武備門一之二	凡例四	目錄		
兵制下				
卷之十八				
武備門二	凡例十	目錄		
屯防				
卷之十九				
武備門三	凡例四	目錄		
剿撫				
卷之二十				
秩官門一	二	凡例七	目錄	
官制				

職官

卷之二十一

秩官門三

凡例九

目錄

政略

卷之二十二

人物門一

二

三

四

凡例八

目錄

選舉

封贈

忠烈

難險

卷之二十三

人物門五

六

七

八

九

凡例一

目錄

孝友

永綏廳志

卷之一 目錄

九

篤行

義行

文苑

方技

卷之二十四

人物門十

凡例六

目錄

列女

卷之二十五

藝文門

奏疏之

凡例五

目錄

經制類附考書銘記

卷之二十六

藝文門奏疏之二

經制類附考書銘記

卷之二十七

藝文門奏疏之三

車防類上

卷之二十八

藝文門奏疏之四

車防類中

卷之二十九

藝文門奏疏之五

車防類下附稟詳札議

卷之三十

叢談

自跋

凡例四

目錄

賦

詩

自叙

四十目叙

跋

永綏廳志

卷之一 目錄

十